

GJORNÂL DAL LEON

NOTIZIARI DE PRO LOCO PAÏS DI SAN MARC

Dicembar 2018 - n.3 - version in lenghe furlane



Amîs di San Marc, us presentin il tierç numar dal **Gjornâl dal Leon**, il piçul notiziari de Pro Loco Païs di San Marc. In cheste pagjine i cjarârê dutis lis iniziatis che o vin metût impins inta l'an 2018.

La sere dal 6 di Zenâr si sin cjarât intai cjamps de comunitât par brusâ il tradizional **Fugaron**. Un rît che si tramande di cetantis gjenerazions e che a San Marc al è simpri stât un apontament fis. Dongje il piçul gazebo preparât cun i prodots de nestre farine, ducj o vin cjalât par aiar le direzion dal fum, sperant intune buine anade.



mar
stjns

Vie in dilunc il mêis di Març, si è davuelte la seconde edizion de rassegne teatrâl **Marculis**, cun la sperance di tornâ a vê il sucès da l'an prime. Lis senis si son viertis ai 3 di Març cul **Teatro Incerto** che al à presentât **Çurviei Scjampâts**. Ai 17

di Març invezit, la compaignie **I Baracons** di Basilian e à presentât **Cuatri pas pal Friûl**, sîs storiis curtis su le nestre regjon, une vore gustôsîs. Â sierât la rassegne ai 24 di Març la compaignie **Travesio Tutto Teatro**, cun la comedie in doi ats **Gildo**. La partecipazion dal public je stade cetant buine. Come l'an passât, l'event al è stât patrocinât dal Comun di Merêt di Tombe e da l'ArLef. La rassegne Marculis a fâs part dal progjet **CulturalnComune** dal Tavolo delle Associazioni dal Comune di Mereto.

Nol podeve mancjâ il tradizional gustâ dal **25 di Avrîl** par memoreâ il patron dal nestri païs. Si sin cjarât inte Sale de Comunitât par stâ insieme e par gustâ i plats preparâts de Parochie e da Pro Loco.

Vie pal mêis di Mai le Pro Loco à metût impins la **Fieste dal Païs di San Marc 2018**. La viertidure de sagre je stade dade dal grup **Luna**



E Un Quarto che vinars ai 4 di Mai al à proponût la sô musiche etno-folk al à compagnât dute la serade.

Sabide ai 5 di Mai si è davuelte la cunvigne **"Dal forment al pan"**, un incuintri cul DES Friûl di Mieç par discuti su lis filieris agriculis dal teritori, sui imprescj da la economie solidâl e su la amministrazion dai bens comuns. Di sere, musiche in piste cun **Alvio & Elena** e cun la straordenarie partecipazion di **Paki dai Nuovi Angeli** che al à fat un piçul concerti.

Domenie ai 6 di Mai o vin ospitât la **XVI Fieste dal Ciclisim Zovanîl** Categorie Esordientis/Arlevis metût impins da l'ASD Don Bosco. In serade la dance di **Matti DJ**.

Joibe ai 10 di Mai o vin tornât a proponi la tant spietade **cene a km0**. Intune atmosfere uniche e magjiche o vin podût mangjâ cun gust ducj i plats preparâts cun ingredients locâi. Cetant interessant al è stât l'intervent dal professôr **Agnul Floramo**, ospit de serade.

Vinars ai 11 di Mai **Doro Gjat** al à presentât ae nestre Fieste il so ultin album **Orizzonti Verticali**, in un concerti seguît di tancj zovins.

Par il secont an di file o vin vût il plasè di ospitâ il cjantautôr furlan, motif di braùre pe nestre piçule comunitât. Sabide ai 12 di Mai il



grup zovanîl **Progetto Ragazzi si cresce** al à intratignût i fruts cun zûcs e ativitâts sui bens comuns, biel che la sere o vin podût preseâ la musiche live dal grup **Anni Ruggenti**.

La Fieste 2018 si è sierade domenie ai 13 di Mai cun la cjaminade par i cjamps **Ator pal Roat**, la rassegne corâl metude impins dai amîs dal **Coro Cjastelîr** di Tombe e la sere cun il bal lis di **Jolly Music**.

Dulinvie lis zornadis a jerin vierts i barachins une vore furnîts di robe gastronomiche, compagnâts de enoteche e de rinovade birerie.

Ae fine dal mêis, plui di precîs ai 18, 19 e ai 20 di Mai, il Tavolo delle Associazioni dal Comun di Merêt di Tombe, al à metût impins il **"Gustâ des Associazions"**, intal ambit dal progjet **Naturalmente Mereto**. Intal cjastrê di Savalons al è stât preparât un biel pic-nic, compagnât di iniziatis per la riscuvierte dal sît archeologjic. La nestre Pro Loco e à puartât il nestri mitic orzotto de sagre, plat une vore preseât di ducj.



Domenie ai 8 di Lui, insieme al Comitât Frazionâl di San Marc, la Pro Loco a à metût impins la **Fieste dal Racuelt**, intai cjamps de comunitât. I fruts a àn provât il tai des spiis come che si faseve une volte e ae batidure dal forment sul cjar. Par ducj i partecipants, prodots metûts adun cu la nestre farine.

Ancje chest an, intal ambit de manifestazion **Danzando fra i popoli**, il Prin di Setembar, o vin ospitât par il gustâ i Danzerini Udinesi di Blessan e i grups di bal folkloristic che a rivavin di dute Italie.

Dal mêis di Setembar la Pro Loco à viert intai locâi de sagre il **"chiosco/barut"** di comunitât, atîf dutis lis domenis des 10.00 a le 1.00 dopomisdî. Dopo un prin periodi di sperimentazion, viodût il grant sucès, i voluntaris de Pro Loco a àn pensât di lâ indenant cun cheste iniziative, proviodude ancje intal 2019. Une esperience impuartante che e testimonee il fuart sens di apartignince e di afiet pe proprie comunitât. In chescj mêis il chiosco al è diventât pont fundamentâl di agregazion e di puest indulâ cjarât, une dimostrazion concrete di un cambiament che al partîs dal bas al fin di mantignê "vîfs" i nestris païs.



Ai 14 di Otubar, si è tignude inte Sale de Comunitât la gare di ciclisim no competitive **Lui e Lei**, rivade aromai ae 26ª edizion. Ancjemò une bieles colaborazion la Pro Loco e i amîs de ASD Don Bosco di San Marc.



Ai 28 di Otubar, colpe dal maltemp, la **Fieste de Semine** je stade anulade. Si sin però spostâts inte Sale de Comunitât, indulâ che grancj e fruts e àn vivût un moment di convivialitât.



Intai mêis di Novembar/Dicembar o vin ospitât dôs seradis de rassegne teatrâl comunâl **Mereto Teatro 2018**, rivade ae seconde edizion. Promovude dal progjet CulturalnComune dal Tavolo delle Associazioni dal Comun di Merêt di Tombe, la rassegne je stade inmaneade da nestre Pro Loco, in colaborazion cun la Pro Loco di Merêt di Tombe. Sabide ai 17

di Novembar la compaignie teatrâl **Gli Improbabili** e à metût in sene a San Marc la comedie **Rumors** di Neil Simon, cun la regjie di Claudio Moretti. Sabide ai 24 di Novembar, inte sale parochiâl di Merêt di Tombe, la compaignie **I Sghiras** ha metût in sene la divertente comedie **El me omp al spete un frut**. Ultin apontament de rassegne, sabide al 1n di Dicembar, inte Sale de Comunitât di San Marc, **Dino Persello** al à presentât il so spettacul **Jo i soi di Païs**, ripuartant ae memorie dal public moments de sô infanzie indulâ che ducj si son ricognossûts.

Ai 30 di Novembar o vin ospitât un spettacul une vore interessant di musiche e poesie par cure dal **Coro Juvenes Cantores** di Plesences e de **Associazione Qui Pantianico**. La serade, intitulade **Se tu vens ca su ta' cretis**, à volût ricuardâ i moments de Grande Vuere tra cjançons e leturis.



Ae fin di chest sfuei o volin ringraciâ ducj chei che a àn contribuît cun lavôr e passion par che ogni iniziative a saltedi fûr par la miôr, mostrant di vê... Il cûr a San Marc!

A ducj un auguri di **Buinis Fiestis** in spiete di cjarât al Fugaron 2019!